

## KËRKESË ANKIMORE

**Drejtuar:** Komisionit të Ankimimeve dhe Sanksioneve (KAS)  
në Komisionin Qendror të Zgjedhjeve

**Adresa:** Rruga " Ibrahim Rugova", Ndërtesa nr.4: Gjirokastrë

KA-52  
22:55


10.05.2021

|  |   |
|--|---|
| <b>ANKUESI</b>   |   |
| <i>Subjekti Zgjedhor<br/>Kandidat i propozuar<br/>nga Zgjedhësit<br/>Kreshnik Merxhani</i> | <i>Kreshnik Merxhani<br/>Rr. Ndre Mjeda, Nd.74,H.6, Ap.23, Njësia Administrative Nr.7,1023<br/>Tiranë, Shqipëri<br/>Tel: 0692406445</i> |

|  |   |
|--|---|
| <b>OBJEKTI I ANKIMIT</b>   |   |
| <b>1. Kërkesë për shpalljen e pavlefshme të zgjedhjeve në:</b><br><br>Zona Zgjedhore Qarkun Gjirokastrë  |   |
| <b>2.Kundërshtimi i Vendimit të KZAZ / KSHZ</b>  |   |
| Vendimi  | Titulli i Vendimit:   |
|  | "Për miratimin e Tabelës Përmbledhëse për rezultatin e votimit në zonën zgjedhore Qarku Gjirokastrë, për subjektet zgjedhore dhe kandidatët për deputetë në zgjedhjet për Kuvendin e Shqipërisë, të datës 25 prill 2021". |
| Nr.  | Datë  |
| 347  | 04/05/2021  |
| <b>3. Kundërshtimi i mos veprimit të KZAZ / KSHZ</b>   |   |
| Bazuar në nenin 21, 123/1, 124, 124/1 dhe 126, neni 160, pika 2 dhe 3, neni 161, pika 1 të Kodit Zgjedhor të Republikës së Shqipërisë, i ndryshuar |   |

**PËRSHKRIMI I SHKELJES SË PRETENDUAR**

- Shkeljet që lidhen me pengimin e vëzhguesëve të kandidatit të pavarur Kreshnik Merxhani, dhe të vet kandidatit.




- 1.1 Kryetarët e e shtatë (7) KZAZ-ve kanë penguar hyrjen brenda Vendeve të Numërimit të Votave (VNV) përkatëse gjatë kohës së pranimit të kutive në VNV, duke mos lejuar vëzhguesit të monitorojnë procesin e pranim-dorëzimit të kutive të votimit në kundërshtim të Kodit Zgjedhor.
- 1.2 Policia e Shtetit ka zbatuar urdhra të paligjshëm të dhëna nga kryetarët e KZAV-ve duke penguar hyrjen në VNV të vëzhguesve të akredituar të kandidatit të pavarur Kreshnik Merxhani, si dhe të vet kandidatit, duke mos qenë e paanshme në kryerjen e detyrave për të garantuar trajtim të barabartë të të gjitha subjekteve politike.
- 1.3 Prania në masë brenda VNV-e të personave të paautorizuar (të paakredituar), përkatësisht familjarë dhe mbështetës të shtabit të kandidatëve të subjekteve të tjera zgjedhore duke shkaktuar tensione, duke ndërhyrë me fjalë e deri te përdorimi i dhunës fizike.

2. Shkelje që lidhen me vota të pavlefshme, të cilat, në total, për Qarkun Gjirokastrë kanë qenë 2317 fletë votimi:

- 2.1 Vëzhguesit e kandidatit të pavarur Kreshnik Merxhani kanë konstatuar raste kur janë shpallur shumë fletë votimi të pavlefshme pa asnjë arsyetim, dhe kontestimet e atypëratyshme nga vëzhguesit e kandidatit të pavarur Kreshnik Merxhani nuk janë marrë parasysh nga grupi i numërimit dhe kryetari i KZAZ-së përkatëse.
- 2.2 Vëzhguesit e kandidatit të pavarur Kreshnik Merxhani kanë konstatuar raste kur janë shpallur fletë votimi të pavlefshme, ose të vlefshme, të cilat më pas kanë kaluar në dengun e fletëve të votimit të subjekteve të tjera politike.
- 2.3 Nga fotografitë e bëra prej vëzhguesve të akredituar të kandidatit Kreshnik Merxhani dhe nga pamjet filmike janë paraqitur me shume se 30 fotografi të fletëve të votimit që kanë nga një "X" të dytë shtesë, ose të tretë, në ato fletë votimi ku është vendosur një "X" për Kandidatin e Pavarur Kreshnik Merxhani.
- 2.4 Janë konstatuar raste të shumta të përdorimit të stilolapsit nga ana e grupeve të numërimit mbi tavolinën e numërimit dhe mbi fletët e votimit, duke vendosur shenja në fletët e votimit të cilat ndikojnë te rritja e numrit të votave të pavlefshme.
- 2.5 Dëmtimi me dashje i materialit zgjedhor

3. Shkelje që lidhen me procesin e numërimit:

- 3.1 Mbulimi me gisht gjatë procesit të numërimit, i katrorit nën numrin 13 që i përkiste kandidatit të pavarur Kreshnik Merxhani.
- 3.2 Në ekranin e tavolinave të numërimit nuk është vendosur pamja e plotë e fletës së votimit.
- 3.3 Refuzimi i dhënies së kopjes së procesverbaleve të nënshkruara të rezultateve të numërimit të QV-vë të vëzhguesit të kandidatit të pavarur Kreshnik Merxhani, dhe mos vendosja e këtyre procesverbaleve në hapësirën e përcaktuar nga KZAZ-ja përkatëse në shkelje të dispozitës përcaktuar në Kodin Zgjedhor.
- 3.4 Mungesa e subjektit zgjedhor me nr. 13, kandidati i pavarur Kreshnik Merxhani, në tabelën përmbledhëse të rezultateve të një KZAZ-je.
- 3.5 Në fillim të procesit të numërimit masivisht në KZAZ-të e Qarkut nuk janë treguar në kamera ana e fletëve të votimit me vulën.



3.6 Nuk janë thënë me zë, si dhe nuk janë paraqitur në kamera të GN (Grupeve të numërimit në tavolinat e numërimit), apo ndonjë formë tjetër të shqeshme: numri i votuesve të QV-së, të fletëve të votimit në kuti/QV), apo edhe numri i fletëve të papërdorura, kodet e sigurisë së kutisë.

4. Shumë qytetarëve të Qarkut Gjirokastrë u është mohua e drejta për të votuar për shkak se ishin të infektuar me COVID-19, dhe organet e shtetit dhe KQZ-ja nuk ndërmorrën masa për t'ia mundësuar votimin në spitale apo në vendet ku ishin të karantinuar.
5. Qeveria vendosi masën për karantinë dy javore për qytetarët që ktheheshin nga Greqia dhe Maqedonia e Veriut, duke ndikuar negativisht drejtpërdrejt tek e drejta e votës e këtyre qytetarëve.
6. Presioni ndaj qytetarëve përmes vjedhjes së të dhënave personale në një databazë që përmbante afërsisht 900.000 qytetarë shqiptarë duke cenuar parimet e përgjithshme të zgjedhjeve si dhe duke përbërë një vepër penale që ndikon në procesin zgjedhor.
7. Qytetarëve të shqipërisë që jetojnë jashtë shtetit iu mohua e drejta e votës, edhe pse kjo është një e drejtë kushtetuese dhe ligjore e përcaktuar edhe me ndryshimet e fundit të Kodit Zgjedhor.
8. Keqpërdorimi i punësimeve në masë në administratën publike dhe i fondeve publike me synim ndikimin në rezultatet e zgjedhjeve.

#### **FAKTET, ARGUMENTAT, DISPOZITAT LIGJORE KU MBËSHTETET ANKIMIMI**


1. **Shkeljet që lidhen me pengimin e vëzhguesëve të kandidatit të pavarur Kreshnik Merxhani, dhe të vet kandidatit.**

**1.1 Kryetarët e shtatë (7) KZAZ-ve kanë penguar hyrjen brenda Vendeve të Numërimit të Votave (VNV) përkatëse gjatë kohës së pranimit të kutive në VNV, duke mos lejuar vëzhguesit të monitorojnë procesin e pranim-dorëzimit të kutive të votimit në kundërshtim të Kodit Zgjedhor.**

Kjo shkelje vërtetohet me anë të dëshmimeve të vëzhguesve të akredituar të Kandidatit të Pavarur Kreshnik Merxhani, si në vijim: Panajota Baja (KZAZ 80), Florjan Canaj (KZAZ 80), Bledar Hoxha (KZAZ 81). Këto dëshmi të vëzhguesve janë bashkëlidhur në cilesinë e provës në Aneksin Nr. 1 të kësaj Ankese.

Në të njëjtën kohë, kjo shkelje vërtetohet nga kamerat 360 gradë (ato që na janë vendosur në dispozicion, pasi ka disa që mungojnë) brenda ambienteve të VNV-e, ku thuajse në të gjitha rastet procesi i pranim-dorëzimit të kutive të votimit ka ndodhur pa praninë e vëzhguesve.

Të njëjtin konstatim për këtë kategori shkeljeje e ka shprehur edhe organizata KRIIK, të dëshmuar përmes raportit të saj të datës 25 prill, ora 23:30.



(<https://kriik.al/home/2021/04/26/konference-per-shtyp-mbyllja-e-qendrave-te-votimit-dhe-dorezimi-i-materialeve-zgjedhore-dhe-kutive-te-votimit-ne-vnv/>) ku në lidhje me pranimin e kutive të votimit në Qendrat e Votimit, raporti shkruan se “KRIIK rikujton se kjo është një praktike jo korrekte, pasi Kodi Zgjedhor përcakton se të gjitha proceset duhet të zhvillohet në prani të vëzhguesve, me një transparence maksimale”.

Kjo shkelje ngre pikëpyetje serioze mbi gjithë procesin e pranim-dorëzimit të kutive si dhe bie ndesh me Kodin Zgjedhor:

*Neni 7 i Kodit Zgjedhor përcakton “Të drejtat dhe detyrat e vëzhguesve”*

*1. Gjatë kryerjes së detyrave të tyre, vëzhguesit kanë këto të drejta: a) të vëzhgojnë pa pengesë të gjitha aspektet e përgatitjes dhe zhvillimit të zgjedhjeve dhe të gjitha fazat e procesit zgjedhor;*

Shkelja rëndohet edhe më shumë pasi në asnjë moment Grupet e Numërimit nuk bënë publike kodet e sigurisë së kutive të votimit që hapeshin në Vendet e Numërimit të Votave, duke vendosur në pikëpyetje gjithë procesin e administrimit të fletëve të votimit brenda kutive të votimit. Ekziston dyshimi i bazuar mbi argumentet dhe provat e kësaj Ankese se shkelje të tilla janë bërë me synimin për të vendosur shenja “X” të tjera nga Grupet e Numërimit të Votave në fletët e votimit, me synimin për t’ia kaluar partive të tjera ose për t’i shpallur ato të pavlefshme.

**1.2 Policia e Shtetit ka zbatuar urdhra të paligjshëm të dhëna nga kryetarët e KZAV-ve duke penguar hyrjen në VNV të vëzhguesve të akredituar të kandidatit të pavarur Kreshnik Merxhani, si dhe të vet kandidatit, duke mos qenë e paanshme në kryerjen e detyrave për të garantuar trajtim të barabartë të të gjitha subjekteve politike.**

Këto shkelje bien ndesh me Kodin Zgjedhor si në vijim:

*Neni 121. prg 1, “Personat e pranishëm gjatë procesit të numërimit të votave”*

*1. Gjatë procesit të numërimit të votave, në Vendin e Numërimit të Votave janë të pranishëm vetëm anëtarët dhe sekretari i KZAZ-së, anëtarët e grupeve të numërimit, kandidatët, vëzhguesit e subjekteve zgjedhore, vëzhgues të tjerë të akredituar, përfaqësuesit e akredituar të medias, si dhe personeli teknik për mbarëvajtjen e sistemit të kamerave, i autorizuar nga KQZ-ja.*

*Neni 3, prg. 7 “Parime të përgjithshme”*

*Policia e Shtetit i ushtron detyrat e veta në shërbim të zgjedhjeve në paanshmëri të plotë ndaj subjekteve zgjedhore. Veprimtaria e saj zhvillohet sipas rregullave të përcaktuara në këtë ligj dhe në aktet nënligjore të miratuara nga KQZ-ja.*

Ekziston dyshimi i bazuar mbi argumentet dhe provat e kësaj Ankese se shkelje të tilla janë bërë me synimin që vëzhguesit e kandidati Kreshnik Merxhani të pengoheshin për të kryer evidentimin e shkeljeve që lidhen me vendosjen e shenjave “X” të tjera nga Grupet e Numërimit të Votave në fletët e votimit, me synimin për t’ia kaluar partive të tjera ose për t’i shpallur ato të pavlefshme. Ky dyshim bazohet edhe mbi provat e paraqitura në pikën 2.5 të kësaj Ankese që lidhet me ndërhyrjen në fletët e votimit gjatë procesit të numërimit si dhe me të gjitha shkeljet e evidentuar në Pikën 3 të kësaj ankese, si dhe në të gjitha pikat (1.1 - 1.5) të këtij Argumenti.



1.3 Prania në masë brenda VNV-e të personave të paaautorizuar (të paakredituar), përkatësisht familjarë dhe mbështetës të shtabit të kandidatëve të subjekteve të tjera zgjedhore duke shkaktuar tensione, duke ndërhyrë me fjalë e deri te përdorimi i dhunës fizike.

E njëjta shkelje konstatohet edhe në raportin (<https://kriik.al/home/2021/04/27/konference-per-shtyp-ecuria-e-procesit-te-numerimit/>) e organizatës KRIIK, të datës 26 prill, ora 22:45, ku shkruhet se: “Nga informacionet e vëzhguesve që ne kemi, ka dyndje të personave të paaautorizuar, madje këtu në qendrën operative kanë ardhur foto dhe video që tregojnë prezencën e personave, të cilët janë pa akreditimin e vendosur në vend të dukshëm dhe tregon për një dyndje tejnormale brenda këtyre qendrave.”

E gjithë kjo situatë e shkaktuar brenda VNV-e në Qarkun Gjirokastrë ka ndikuar drejtpërdrejt tek transparencën, standardet dhe ecuria e procesit të numërimit, duke shkaktuar presion mbi grupet e numërimit dhe vëzhguesit në një nivel të tillë deformues për procesin e numërimit të votave në KZAZ-të ku është zhvilluar dhuna, por njëkohësisht duke krijuar një atmosferë tensioni dhe presioni të shtuar në krejt Qarkun e Gjirokastrës gjatë procesit të numërimit, që pashmangshëm ndikon në mbarëvajtjen normale të këtij procesi dhe në rezultatet e numërimit, kur merren parasysh edhe shkeljet që kanë ndodhur në tavolinat e numërimit.

Shkeljet e evidentuara në këtë pjesë të ankesës janë edhe penale (Kodi Penal) edhe bindesh me Kodin Zgjedhor:

*Neni 121, pika 2 “Personat e pranishëm gjatë procesit të numërimit të votave”*


*2. KZAZ-ja merr masa dhe është përgjegjëse për moslejimin e personave të tjerë në Vendin e Numërimit të Votave, përveç atyre të parashikuar në pikën 1 të këtij neni. Në rast të pranishmërisë së personave të tjerë, përveç atyre sipas pikës 1 të këtij neni, KZAZ-ja, me vendim, njofton menjëherë punonjësit e Policisë së Shtetit dhe rasti mbahet shënim në Librin e Protokollit të Mbledhjeve të KZAZ-së, duke përfshirë edhe orën e saktë të ardhjes dhe largimit të punonjësve të Policisë së Shtetit.*

**2 Shkelje që lidhen me vota të pavlefshme, të cilat, në total, për Qarkun Gjirokastrë kanë qenë 2317 fletë votimi:**

**2.1 Vëzhguesit e kandidatit të pavarur Kreshnik Merxhani kanë konstatuar raste kur janë shpallur shumë fletë votimi të pavlefshme pa asnjë arsyetim, dhe kontestimet e atypëratyshme nga vëzhguesit e kandidatit të pavarur Kreshnik Merxhani nuk janë marrë parasysh nga grupi i numërimit dhe kryetari i KZAZ-së përkatëse.**

Kjo shkelje konstatohet me anë të dëshmimeve të vëzhguesve të akredituar të Kandidatit të Pavarur Kreshnik Merxhani, si në vijim: Panajota Bajaj (KZAZ 80). Këto dëshmi të vëzhguesve janë bashkëlidhur në cilesinë e provës në Aneksin Nr. 1 të kësaj Ankesë.

Në shkelje të Kodit Zgjedhor dhe të rregulloreve, në shumicën e rasteve kur ngriheshin shqetësime nga vëzhguesit e Kandidatit në lidhje me shkelje të evidentuara gjatë procesit të numërimit të votave, Komisionerët, kryetarët dhe/ose nënkryetarët e KZAZ-vejo vetëm se nuk



i merrnin parasysh keto konstatime por i kërcënonin vëzhguesit e kandidatit Kreshnik Merxhani me largimin prej ambienteve të VNV-e.


**2.2 Nga konstatimet e bëra prej vëzhguesve të akredituar të kandidatit Kreshnik Merxhani dhe nga pamjet filmike janë paraqitur me shume se 20 fotografi të fletëve të votimi që kanë nga një "X" të dytë shtesë, ose të tretë, në ato fletë votimi ku është vendosur një "X" për Kandidatin e Pavarur Kreshnik Merxhani.**

Kjo shkelje vërtetohet me anë të dëshmimeve të vëzhguesve të akredituar të Kandidatit të Pavarur Kreshnik Merxhani, si në vijim: Panajota Bajaj (KZAZ 80), Florjan Cana (KZAZ) Këto dëshmi të vëzhguesve janë bashkëlidhur në cilesinë e provës në Aneksin Nr. 1 të kësaj Ankese.

Gjithashtu ky fakt është evidentuar edhe nga pamjet filmike të siguruar nga KQZ-ja nga kamerat në Vendet e Numërimit të Votave. Ekipi i Kandidatit të Pavarur Kreshnik Merxhani ka mundur të analizojë vetëm një pjesë tejet të vogël të pamjeve filmike të siguruar nga KQZ për procesin e numërimit. Vetëm për Qarkun Gjirokastrë janë 641 orë xhirime, pa marrë parasysh pamjet filmike që mungojnë – siç shpjegohet në Argumentin 4 të kësaj Ankese (më poshtë). Ekipi i kandidatit Kreshnik Merxhani ka mundur të analizojë rreth 60 orë xhirime nga pamjet filmike, Për t'i analizuar këto pamje kemi patur në dispozicion vetëm 4 ditë. Megjithatë, vetëm nga një përqindje e vogël e analizuar e pamjeve filmike, janë gjetur shumë të dhëna që evidentojnë se shkelja është sistematike, e paramenduar dhe e përhapur masivisht.

Gjetja e fletëve të votimit me një "X" te subjekti zgjedhor kandidat i pavarur dhe një "X" te një tjetër subjekt zgjedhor nuk mund të jetë as rastërore dhe as gabim njerëzor.

- a. Së pari, fletët e votimit me nga një "X" për dy ose më shumë subjekte zgjedhore janë fenomen i përhapur në të gjithë Qarkun e Gjirokastrës, siç dëshmojnë edhe fotografitë e fletëve të votimit në të gjithë Qarkun e Gjirokastrës në Aneksin 2 .
- b. Së dyti, në shumicën prej këtyre fotografive vërehet se ngjyra e bojës së stilolapsit të përdorur për vendosjen e "X"-t të dytë ose të tretë në fletën e votimit ndryshon në tonalitet nga ngjyra e përdorur për "X"-n e vendosur në numrin 13, si dhe bashkë me ngjyrën ndryshon edhe forma e "X"-t të dytë ose të tretë të vendosur në fletën e votimit.
- c. Së treti, ka një argument të qëndrueshëm që përforcon bindjen se fletët e votimit që kanë një "X" për subjektin zgjedhor Kandidati i Pavarur Kreshnik Merxhani me nr 13, si dhe një tjetër "X" për një tjetër subjekt zgjedhor, janë deformuar me qëllim. Ky argument lidhet me faktin se "X" i dytë është vendosur thuajse në të gjitha rastet te një subjekt parlamentar, pra te ato subjekte politike që kishin komisionerë dhe anëtarë në Grupet Numëruese në VNV. Vota me një "X" të dytë për subjekte zgjedhore të reja, apo të vogla, që nuk kishin komisionerë dhe/ose anëtarë në Grupet e Numërimit, janë thuajse inekzistente. Ky argument përforcon bindjen se deformimi i votës më një "X" të dytë për një tjetër subjekt zgjedhor, për t'i vjedhur votat apo për t'i shpallur të pavlefshme votat e kandidatit Kreshnik Merxhani, është bërë në bashkëpunim mes anëtarëve të Grupeve të Numërimit dhe KZAZ-ve.
- ç. Së fundmi, fakti që i njëjti problem me dy ose më shumë "X" shfaqet edhe në Qarkun e Tiranës dhe në Qarkun e Lezhës, dëshmon se kemi të bëjmë më një fenomen sistematik, dhe jo sporadik, i përhapur në të gjithë territorin e vendit por me pasoja më të mëdha në Qarkun Gjirokastrë, aty ky numri i fletëve të votimit të shpallura të pavlefshme është 2317.



Është e qartë se jemi përpara faktit që fletët e votimit janë deformuar në mënyrë të qëllimshme dhe me paramendim, jo nga qytetarët, por nga ata që kanë administruar procesin zgjedhor, duke ndikuar drejtpërdrejt dhe masivisht në rezultatet përfundimtare.

Në deklaratat publike të përfaqësuesve të KQZ-së është thënë se do të ketë ekspertizë për votat e shpallura të pavlefshme, mirëpo deri tani nuk kemi parë ndonjë veprim të ndërmarrë në këtë drejtim, në përputhje me Nenin 139 të Kodit Zgjedhor. Kandidati i Pavarur Kreshnik Merxhani i mbështet të gjitha masat e KQZ-së të cilat çojnë në verifikimin përmes ekspertimeve të parashikuara në Kod.

**2.3 Janë konstatuar raste të shumta të përdorimit të stilolapsit nga ana e grupeve të numërimit mbi tavolinën e numërimit dhe mbi fletët e votimit, duke vendosur shenja në fletët e votimit të cilat ndikojnë te rritja e numrit të votave të pavlefshme.**

Dhe më konkretisht në Datën 26.04.2021 në orën 05:49; 16 deri në 05: 52 ; 36 dhe në 15:41 ;25 deri në 15:41;43 në VNV të KZAZ-ës 7, është e provuar më pamjet filmike të vëna në dispozicion prej KQZ-ës se antarët e Grupit të Numërimit në bashkëpunim edhe më antarët e KZAZ-ës kanë lejuar numëruesin e Tavolines Nr. 2 të ndërhyjë në fletën e votimit duke shënuar me stilolaps në hapsirën e përzgjedhëse së votës, dhe duke tjetërsuar kështu vullnetin e votuesit dhe duke konsumuar vepër penale të parashikuar nga Neni 326 të Kodi Penal “Falsifikimi i materialit zgjedhor dhe rezultateve të zgjedhjeve”.


Kjo shkelje vërtetohet me anë të dëshmimeve të vëzhguesve të akredituar të Kandidatit të Pavarur Kreshnik Merxhani, si në vijim: Florjan Cana (KZAZ). Këto dëshmi të vëzhguesve janë bashkëlidhur në cilesinë e provës në Aneksin Nr. 1 të kësaj Ankese.

Për më shumë, kjo shkelje konstatohet edhe me anë të dëshmimeve të vëzhguesve të akredituar të Kandidatit të Pavarur Kreshnik Merxhani, si në vijim: Këto dëshmi të vëzhguesve janë bashkëlidhur në cilësinë e provës në Aneksin Nr. 1 të kësaj Ankese.

Mbajtja e stilolapsit në dorë nga anëtarët e Grupeve të Numërimit në VNV-të e Qarkut Gjirokastrë është lehtësisht e dallueshme në pamjet filmike të shumicës së tavolinave të numërimit, duke u dhënë mundësinë anëtarëve të Grupeve të Numërimit që ta keqpërdorin stilolapsin sipas rastit mbi fletët e votimit. Kjo shkelje vërtetohet se fletët e votimit janë manipuluar gjatë procesit të numërimit të votave brenda VNV-e, si dhe që për këtë lloj manipulimi ka ekzistuar një miratim në heshtje mes anëtarëve të grupeve të numërimit dhe anëtarëve të KZAZ-ve.

Konsumimi i veprave të tilla penale e minojnë gjithë procesin zgjedhor në Qarkun Gjirokastrë (dhe jo vetëm) duke rrënuar çdo parim dhe standard që lidhet me procesin zgjedhor. Për më tepër, sot e kësaj dite, edhe pse raste të tilla janë bërë publike nuk ka asnjë informacion mbi masat e marra për ata persona që kanë kryer këto vepra. Mbase ata tashmë kanë marrë edhe shpërblimin nga institucionet e shtetit për “punën” e kryer gjatë procesit të numërimit. Mosveprimi, rrënon reputacionin dhe besueshmërinë edhe organeve kompetente që duhet të merren me ndjekjen e rasteve të tilla.

**2.4 Dëmtimi me dashje i materialit zgjedhor**



Konkretisht më datë Datën 26.04.2021 në orën nga 02.50 e në vijim në VNV të KZAZ-ës 80, është konstatuar nga vet Kandidati Kreshnik Merxhani dhe është provuar më pamjet filmike të vëna në dispozicion prej KQZ-ës, përkatësisht kjo shkelje evidentohet në orën 02:50;56 deri në 02:51:49 , nga ku evidentohet se një antar i Grupit të Numërimit të tavolinës nr. 2, pergjatë procesit të numerimit ka grisur një sasi fletësh votimi duke konsumuar vepër penale të parashikuar nga Neni 326/1 Dëmtimi me dashje i materialit zgjedhor, e kryer kjo në bashkëpunim më antarët e tjerë te Grupit të numerimit si dhe antarët e KZAZ-ës, të cilët nuk derhynë apo penguan konsumimin e kësaj vepre.

*326/a Dëmtimi me dashje i materialit zgjedhor*

*I.Dëmtimi, prishja, shkatërrimi me dashje, apo zëvendësimi në kundërshtim me ligjin i pajisjeve, vulave, kodeve të sigurisë apo çdo material tjetër zgjedhor të parashikuar nga ligji, dënohet me burgim nga gjashtë muaj gjer në pesë vjet.*

*II.Po këto vepra kur kryhen nga personat përgjegjës për administrimin zgjedhor ose në bashkëpunim, ose më shumë se një herë, apo kur kanë sjellë pasoja të rënda në mbarëvajtjen e zgjedhjeve, kanë sjellë pavlefshmërinë e tyre apo kanë cenuar rezultatin e votimit, dënohen me burgim nga tre gjer në tetë vjet.*


### **3 Shkelje që lidhen me procesin e numërimit:**

#### **3.1 Mbulimi me gisht gjatë procesit të numërimit, i katrorit nën numrin 13 që i përkiste kandidatit të pavarur Kreshnik Merxhani.**

Për më tepër, janë të shumta rastet e vërejtura gjatë pamjeve filmike të siguruara nga KQZ-ja ku gishti i anëtarit të grupit numëruar mbulon numrin 13 dhe katrorin e subjektit zgjedhor Kandidati i Pavarur Kreshnik Merxhani. 2 fotografi për ta ilustruar këtë shkelje janë paraqitur edhe në Aneksin 2 të kësaj Ankese, të marra nga pamjet filmike nga numërimi i KZAZ -79 në orën 23:00; 29 dhe 23:00;54 . Vlen për t'u nënvizuar se këto raste janë thjesht ilustruese, pasi kjo shkelje ka qenë e përhapur masivisht në një pjesë të konsiderueshme të tavolinave të numërimit në VNV-të e Qarkut Gjirokastrë, duke ndikuar kështu jo vetëm tek ulja e transparencës dhe besueshmërisë, por marrë parasysh edhe vjedhjen dhe deformimin e votës të konstatuar në këtë ankesë, shkelje të tilla kanë synimin të ndikojnë drejtpërdrejt te rezultati përfundimtar.

#### **3.2 Në ekranin e tavolinave të numërimit nuk është vendosur pamja e plotë e fletës së votimit.**

Kjo shkelje vërtetohet me anë të dëshmimeve të vëzhguesve të akredituar të Kandidatit të Pavarur Kreshnik Merxhani, si në vijim: Genc shehu (80), Panajota Bajaj (KZAZ 80), Florjan Cana (KZAZ) Këto dëshmi të vëzhguesve janë bashkëlidhur në cilesinë e provës në Aneksin Nr. 1 të kësaj Ankese.





Shkelje të tilla janë konstatuar në disa raste edhe gjatë monitorimit të pamjeve filmike të siguruara nga KQZ për Qarkun Gjirokastrë.

**3.3 Refuzimi i dhënies së kopjes së procesverbaleve të nënshkruara të rezultateve të numërimit të QV-vë të vëzhguesit të kandidatit të pavarur Kreshnik Merxhani, dhe mos vendosja e këtyre procesverbaleve në hapësirën e përcaktuar nga KZAZ-ja përkatëse në shkelje të dispozitës përcaktuar në Kodin Zgjedhor.**

Kjo shkelje konstatohet me anë të dëshmimeve të vëzhguesve të akredituar të Kandidatit të Pavarur Kreshnik Merxhani, si në vijim: Panajota Bajaj (KZAZ 80). Këto dëshmi të vëzhguesve janë bashkëlidhur në cilesinë e provës në Aneksin Nr. 1 të kësaj Ankese.

Kjo shkelje bie ndesh me Kodin Zgjedhor:

*Neni 122 pika 4 "Nxjerrja e tabelës përmbledhëse të rezultatit të zgjedhjeve nga KZAZ"  
4. Kopje të Tabelës Përmbledhëse të Rezultateve të Zgjedhjeve të ZAZ-së, tabelave të rezultateve të qendrave të votimit dhe kopje të Procesverbalit të Konstatimit u jepen anëtarëve të KZAZ-së dhe vëzhguesve të subjekteve zgjedhore, ndërsa origjinalet e tyre, vulat dhe çdo material tjetër zgjedhor dorëzohen në KQZ.*

Shkelje të tilla ngrejné dyshimin e bazuar, përmes mungesës së transparencës nga ana e KZAZ-ve dhe Grupeve të Numërimit, se rezultatet janë shtrembëruar gjatë procesit të numërimit nëpër VNV. E kombinuar me të gjitha shkeljet e tjera të evidentuara në këtë Ankese, ky konstatim çon pashmangshëm drejt përfundimit se akte të tilla kanë qenë të qëllimshme dhe të paramenduara, me synimin për të cënuar gjithë procesin zgjedhor në favor të partive parlamentare.


Poashtu dua të evidentoj se në bazë të pamjeve filmike të vëna në dispozicion nga ana e KQZ -së kemi konstatuar 1 QV , në KZAZ 80 nga ku procesverbali nuk ka as vulë dhe as firmë. Kjo vërtetohet në bazë të pamjes filmike bashkëlidhur në cilesinë e provës në Aneksin Nr. 2 të kësaj Ankese.

**3.4 Mungesa e subjektit zgjedhor me nr. 13, kandidati i pavarur Kreshnik Merxhani, në tabelën përmbledhëse të rezultateve të një KZAZ-je.**

Kjo shkelje vërtetohet me anë të pamjeve filmike të vendosura në dispozicion nga ana e KQZ-së dhe përkatësisht QV 4239/1 , nga ku nuk figuroj në procesverbal i renditur me numrin 13 , madje procesverbali përfundon me subjektin zgjedhor me numër 12 .Bashkëlidhur në cilësinë e provës materiale në Aneksin Nr. 2 të kësaj Ankese.

**3.5 Në fillim të procesit të numërimit masivisht në KZAZ-të e Qarkut Gjirokastrë nuk janë treguar në kamera ana e fletëve të votimit me vulën.**

Kjo shkelje vërtetohet me anë të pamjeve filmike që është monitoruar deri tani nga materiali që i është vendosur në dispozicion Kandidatit të Pavarur Kreshnik Merxhani nga KQZ-ja. Në një pjesë të konsiderueshme të tavolinave të numërimit nuk është ndjekur procedura e



parashikuar në Kodin Zgjedhor dhe manualin e udhëzimeve të KQZ-së. Kjo shkelje është lehtësisht e verifikueshme nga KQZ/KAS që i disponon pamjet filmike. Në këtë mënyrë, bëhet e pamundur evidentimi i vulave që dëshmojnë se fletët e votimit kanë qenë të rregullta, dhe se nuk janë futur në një moment të dytë nëpër kutitë e votimit. Ky dyshim përforcohet edhe nga të gjitha shkeljet e tjera të evidentuara në argumentet 1 deri në 3 të kësaj Ankese.

**3.6 Nuk janë thënë me zë, si dhe nuk janë paraqitur në kamera të GN (Grupeve të numërimit në tavolinat e numërimit), apo ndonjë formë tjetër të shqeshme: numri i votuesve të QV-së, të fletëve të votimit në kuti/QV), apo edhe numri i fletëve të papërdorura, kodet e sigurisë së kutisë.**

Shumica e vëzhguesve të akredituar të Kandidatit të Pavarur Kreshnik Merxhani, kanë konstatuar se Grupet e Numërimit nuk i kanë bërë të dukshme kodet e sigurisë, dhe as nuk i kanë lexuar ato me zë. Në të njëjtën mënyrë kanë vepruar edhe për numrin e fletëve të votimit dhe numrin e votuesve në një QV, duke mos treguar publikisht të dhënat para dhe gjatë procesit të numërimit.

Neni 116 (Numërimi i votave) e sqaron qartë se si duhet të evidentohet numri i fletëve të vlefshme, kodet e sigurisë për çdo kuti votimi që Grupi i Numërimit merr në shqyrtim dhe bën gati për ta numëruar:

*6. Fletët e votimit të stivuara numërohen nga numëruesi i parë, i cili, në përfundim të numërimit, ia bën të ditur shifrën anëtarëve të grupit dhe vëzhguesve të subjekteve zgjedhore. Shifra e deklaruar verifikohet me shifrën për pjesëmarrjen e zgjedhësve të shënuar në Procesverbalin e Mbylljes së Votimit. Nëse shifrat nuk përputhen ose nëse kërkohet nga ndonjë prej anëtarëve të Grupit të Numërimit, numëruesi i parë është i detyruar të rifillojë edhe një herë numërimin e fletëve të votimit.*

Vlen për tu theksuar se ka një mosperputhje të procesverbaleve të QV-ve me tabelen Përfundimtare të Pergjithshme të Qarkut Gjirokastrë të KQZ-ës ashtu si vërtetohet nga vetë dëshmia e Kandidatit Kreshnik Merxhani bashkëlidhur në cilesinë e provës në Aneksin Nr. 1 të kësaj Ankese.

Duke eliminuar transparencën dhe të dhënat bazë të procesit të numërimit të votave, shkelje të tilla flagrante ia kanë hapur rrugën një manipulimi industrial të votës gjatë procesit të numërimit.

**4 Shumë qytetarëv të Qarkut Gjirokastrë iu mohua e drejta për të votuar për shkak se ishin të infektuar me COVID-19, dhe organet e shtetit dhe KQZ-ja nuk ndërmorrën masa për t'ia mundësuar votimin në spitale apo në vendet ku ishin të karantinuar.**

Sipas të dhënave zyrtare, raporteve mediatike dhe raportit të OSBE-ODHIR dhe raporti i organizatës ndërkombëtare ENEMO, mbi 17 mijë persona të infektuar me COVID-19 ishin vetëm në Qarkun Gjirokastrë gjatë ditës së zgjedhjeve, që përbën një numër të mjaftueshëm qytetarësh për të nxjerrë një mandat deputeti. KQZ-ja dhe organet shtetërore nuk morën asnjë masë për të mundësuar votimin e atyre që ishin në spitale apo në karantinë, duke ua mohuar këtyre qytetarëve të drejtën e votës, dhe duke ndikuar pashmangshëm te rezultati i zgjedhjeve




në Qarkun Gjirokastrë. Në këtë mënyrë është shkelur Neni 43 i Kodit Zgjedhor, si dhe e drejta e përcaktuar në Nenin 45 të Kushtetutës së Republikës së Shqipërisë.

**5 Qeveria vendosi masën për karantinë dy javore për qytetarët që ktheheshin nga Greqia dhe Maqedonia e Veriut, duke ndikuar negativisht drejtpërdrejt tek e drejta e votës e këtyre qytetarëve.**

Në datën 19 prill 2021 Komiteti Teknik i Ekspertëve i Qeverisë së Republikës së Shqipërisë vendosi masën për një karantinë 2 javore për qytetarët që ktheheshin të votonin nga Greqia dhe Maqedonia e Veriut (<https://shendetesia.gov.al/komiteti-teknik-i-eksperteve-rikthehen-ne-klasa-shkollat-e-mesme-karantine-2-javore-per-personat-qe-vijne-nga-maqedonia-e-veriut-dhe-greqia/>), duke ndikuar negativisht tek e drejta e votës së qindra mijëra qytetarëve të Shqipërisë që jetojnë në këto dy shtete në dy mënyra: (a) duke demotivuar përmes masës së karantinimit ardhjen e tyre në Shqipëri, si dhe (b) duke mos siguruar një mënyrë për votimin e atyre që vendoseshin në karantinë. Ky vendim ka patur pashmangshëm një ndikim të drejtpërdrejt në mandatet për Qarkun e Gjirokastrës. Në këtë mënyrë është shkelur Neni 43 i Kodit Zgjedhor, si dhe e drejta e përcaktuar në Nenin 45 të Kushtetutës së Republikës së Shqipërisë, si në rastin e 17.000 të infektuarëve me COVID-19 në Qarkun Gjirokastrë dhe mungesa e qendrave të posaçme të votimit në spitale dhe vendet e karantinimit të qytetarëve. Të njëjtën problematikë e ka evidentuar edhe organizata KRIIK që ka monitoruar këto zgjedhje, e cila ka konstatuar në raportin e gjetjeve paraprake se “Vetëizolimi i detyruar i qytetarëve që mund të vinin nga Greqia apo Maqedonia, ishte një tjetër kufizim dhe çënim i së drejtës të votës dhe nuk mund të justifikohet asesi me argumentin e dhënë nga Komiteti Teknik për marrjen e tij.” (<https://kriik.al/home/ep-content/uploads/2021/04/KRIIK-DeklarataEGjetjeveDheKonkluzioneveParaprake-ZgjedhjetParlamentare2021-210426-1.pdf>).

**6 Konfigurimi i fletës elektronike të votimit që u përdor në ditën e zgjedhjeve në 32 Qendra Votimi në Gjirokastrë, nuk ishte i njëjtë me atë që u demonstrua publikisht në periudhën e testimit para ditës së zgjedhjeve.**

Në deklaratën për “Gjetjet dhe përfundimet paraprake” të OSBE-ODIHR për zgjedhjet parlamentare të 25 prillit në Shqipëri shkruhet se “U pilotua votimi dhe numërimi elektronik i votave në një prej ZAZ-ve të qytetit të Gjirokastrës, që përfshinte 32 qendra votimi (QV) me 23,597 votues të regjistruar... Procesi i prokurimit të pajisjeve të votimit u mbyll një muaj para ditës së zgjedhjeve, kurse konfigurimi i programit kompjuterik (softëare) një javë para ditës së zgjedhjeve. Pavarësisht objektit të kufizuar të pilotimit, koha jashtëzakonisht e shkurtër nuk lejoi mundësi për diskutime publike thelbësore apo për një mbikqyrje të pavarur, duke përfshirë edhe nga shoqëria civile, të cilat janë që të dyja komponentë të rëndësishëm për garantimin e besimit në një teknologji të re votimi. Nga 3 deri më 11 prill, në demonstrimet publike morën pjesë 547 zgjedhës. Megjithatë, konfigurimi i fletës elektronike të votimit që u përdor në ditën e zgjedhjeve nuk ishte i njëjtë me atë që u demonstrua publikisht.” Sipas po të njëjtit raport “shumë zgjedhës kërkonin asistencë në procesin e votimit.”, duke ndikuar te fshehtësia e votës, por potencialisht edhe te për zgjedhja e subjektit nga ana e zgjedhësit. Kjo situatë pashmangshëm ka ndikuar te zgjedhësit ditën e zgjedhjeve, duke shkaktuar paqartësi të shtuara të cilat ndikojnë negativisht tek mënyra se si është shprehur vullneti i qytetarëve gjatë procesit



të votimit elektronik, duke vendosur kështu në pikëpyetje vetë rezultatet zgjedhore të atyre Qendrave të Votimit ku u pilotua votimi elektronik.

**7 Presioni ndaj qytetarëve përmes vjedhjes së të dhënave personale në një databazë që përmbante afërsisht 900.000 qytetarë shqiptarë duke cenuar parimet e përgjithshme të zgjedhjeve si dhe duke përbërë një vepër penale që ndikon në procesin zgjedhor.**


Siç kanë raportuar mediat dhe ashtu siç shkruhet edhe në raportin e OSBE-ODHIR për këto zgjedhje, gjatë fushatës, përmes një rrjedhjeje informacioni u zbulua publikisht një databazë me informacione personale dhe detaje kontakti për afërsisht 900,000 qytetarë shqiptarë, që përmbante edhe preferencat e tyre të votimit. Sipas raportit të OSBE-ODHIR, SPAK ka konfirmuar se ka nisur hetimet për këtë rast, megjithatë një vjedhje e këtyre përmasave të të dhënave personale për interes të një partie politike, është në shkelje të të drejtave të parashikuara në Nenin 45, prg. 4 i Kushtetutës së Republikës së Shqipërisë, si dhe të Nenit 3, prg. 2, si dhe të Nenit 7 dhe 8 të Kodit Zgjedhor në lidhje me “parimet e përgjithshme”. Ekzistenca dhe përdorimi i kësaj databaze krijon një atmosferë presioni dhe frike te qytetarët lidhur me lirinë dhe fshehtësinë e votës, sidomos kur kjo databazë të dhënash përdoret nga parti në pushtet për interesa elektorale, duke ndikuar kështu drejtpërdrejt negativisht te procesi zgjedhor dhe rezultatet e zgjedhjeve në Qarkun Gjirokastrë.

**8 Qytetarëve të Shqipërisë që jetojnë jashtë shtetit iu mohua e drejta e votës, edhe pse kjo është një e drejtë kushtetuese dhe ligjore e përcaktuar edhe me ndryshimet e fundit të Kodit Zgjedhor.**

Ndryshimi i Kodit Zgjedhor në Kuvendin e Republikës, në datën 23 korrik 2020 parashikoi mundësimin e votimit nga jashtë vendit, duke e sanksionuar edhe me ligj këtë të drejtë të qytetarëve të Republikës së Shqipërisë. Ndryshimi i mëtejshëm i Kodit Zgjedhor më 5 tetor 2020 nuk e cenoi të drejtën e qytetarëve për të votuar jashtë vendit. Megjithatë, kjo e drejtë ligjore nuk u mundësua në këto zgjedhje duke ia mohuar të drejtën e votës mbi 1 milion shtetasve të Republikës së Shqipërisë që jetojnë jashtë vendit, me ndikime madhore në rezultatin e Qarkut të Gjirokastrës. Në këtë mënyrë është vepruar në shpërpushje me Nenin 24 dhe 25 të Kodit Zgjedhor. Duhet patur parasysh se në një situatë pandemie, udhëtimi i zgjedhësve nga shtetet e largëta ku jetojnë drejt Shqipërisë, është pamundësuar gjithashtu nga pandemia COVID-19.

**9 Keqpërdorimi i punësimeve në administratën publike dhe i fondeve publike me synim ndikimin në rezultatet e zgjedhjeve.**

Sipas raportit të OSBE-ODHIR (<https://ëëë.osce.org/files/f/documents/0/6/484802.pdf>) mbi gjetjet dhe përfundimet paraprake të zgjedhjeve të 25 prillit 2021: “Moratoriumi ligjor ndaj autorizimit të punësimeve të reja filloi më 25 dhjetor 2020. Sipas Institutit Shqiptar Kombëtar të Statistikave (INSTAT), midis tremujorit të tretë dhe të katërt të vitit 2020, punësimi në sektorin publik është rritur me 6 për qind (nga 171,975 deri në 182,547). Rritja në të njëjtin tremujor në vitin 2018 dhe 2019 ishte përkatësisht 1 dhe 0 për qind. Më 24 dhjetor, qeveria




autorizoi edhe 2,472 pozicione të tjera.” Neni 91 i Kodit Zgjedhor të Republikës së Shqipërisë parashikon ndalimin e veprimtarive të tilla nga institucionet publike katër muaj para zgjedhjeve. Ky nen është vendosur në Kod më synimin për të ndaluar punësimet klienteliste për përfitime politike nga ana e partive në pushtet. Rritja e jashtëzakonshme e punësimeve mes tremujorit të tretë dhe të katërt të vitit 2020 si dhe një ditë para afatit 4 muaj para datës së zgjedhjeve, dëshmon se partia në pushtet e ka shfrytëzuar administratën publike duke shkelur frymën e këtij ligji, i cili tenton të parandalojë pikërisht atë që ka ndodhur me punësimet e konsiderueshme në administratë. Në këtë rast kemi të bëjmë me një krypto-blerje të votës së qytetarëve të punësuar në shkelje të frymës së ligjit, që pashmangshëm ka ndikuar në rezultatet e Qarkut Gjirokastrë, administrata publike e të cilit është rritur konsiderueshëm për shkak të këtyre punësimeve në minutë të fundit.

Sipas të dhënave të Ministrisë së Financave dhe bazuar mbi rrapotimin e datës 15.04.2021 të gazetës “Monitor: “Të dhënat zyrtare të Ministrisë së Financave tregojnë se gjatë periudhës janar-mars 2021 u shpenzuan për investime 11,3 miliardë lekë. Kjo shumë ishte 118% më e lartë se fondi i shpenzuar në tremujorin e parë të vitit të kaluar. Ky është niveli më i lartë i shpenzimeve kapitale në tre muajt e parë të vitit, që nga viti 2013, edhe atëherë përpara zgjedhjeve të përgjithshme të atij viti.”. Sipas po të njëjtit raport, më shumë se gjysma e projekteve të financuara gjatë tremujorit të parë të vitit 2021 nuk ishin projekte të programuara për financim këtë vit. Në këtë rast kemi të bëjmë me shkelje në gërmë dhe në frymë të ligjit të Kodit Zgjedhor, përkatësisht Neni 91, me pasoja në rezultatin e zgjedhjeve përmes kriptoblerjes së votës.

Në lidhje me fondin e rindërtimit, në katër muajt e parë të vitit 2021, Qeveria ka shpenzuar në formë Transfertash të Pakushtëzuar 56% të totalit të fondit, një pjesë e mirë e të cilit ka qenë për transferta individuale. Bazuar mbi të dhënat e Ministrisë së Financave dhe “Open Data Albania” (Marrë nga <http://ndiqparate.al/2021/05/07/periudha-zgjedhore-dhe-fondi-i-rindertimit-shtesa-buxhetore-ne-transferte-e-pakushtezuar-per-11-bashki/>). Më tej, në po të njëjtin raport konstatohet se “Në Ligjin për Buxhetin e Shtetit të Fillim Vitit, në total Transfertat e Pakushtëzuara për këto 11 Bashki ishin 8 299 271 265 Lekë. Po për këto 11 bashki shtesa e Transfertave të Pakushtëzuara përmes VKM në katër muajt parazgjedhor shënon shtesë 15 430 836 420 Lekë. Rritja është me 186 përqind. Në vlerë rritjen më të lartë e kanë bashkitë Gjirokastrë; Durrës; Kurbin dhe Kamëz. Si peshë kundrejt Transfertave të Pakushtëzuara të Parashikuara në Ligjin e Fillim Vitit, rekord mbajnë bashki si Vora (549%); Kurbin (340%); Tirana (250%); Shijaku (228%).” Për më shumë “Bashkia Gjirokastrë. Me Vendime të Këshillit të Ministrave ka përfituar shtesa Transferta të Pakushtëzuara në Data Zgjedhore (30 ditët e fushatës) në vlerën 6 055 001 800 Lekë (gjashtë miliard e pesëdhjetë e pesë milion e njëmijë e tetëdhjetë Lekë). Këto transferta janë urdhëruar me VKM Nr. 189, datë 25 Mars; VKM Nr. 202 datë 25 Mars; VKM Nr. 204 datë 25 Mars.”. Të gjitha këto transferta të pakushtëzuara të planifikuara në fillim të vitit, si dhe shtesat e vendosura për bashkitë e Qarkut Gjirokastrë, janë veprime të cilat nuk janë kryer më herët gjatë vitit 2020, por vetëm tani në prag të zgjedhjeve, duke mundësuar keqpërdorimin e këtyre transfertave tek bashkitë e qarkut Gjirokastrë si dhe tek transfertat direkte tek personat fizikë me synim ndikimin tek vota e qytetarëve në shkelje të frymës së Kodit Zgjedhor si dhe neni 91 të këtij kodi.

Sic arsyetua më sipër, shkeljet sistematike të procedurës së numërimit, vëzhgimit dhe cenimit të paprekshmërisë së fletës së votimit, të përshkruara tek të Neni 160, shkronja a):



*"Pavlefshmëria e zgjedhjeve në qendrën e votimit*

1. *KQZ-ja, kryesisht ose me kërkesë të subjekteve zgjedhore, i shpall zgjedhjet të pavlefshme në një apo më shumë qendra votimi, në rast se: a) kanë ndodhur shkelje të ligjit, të cilat kanë cenuar rëndë procesin zgjedhor ose kur tërësia e shkeljeve të ligjit, sipas kësaj shkronje, të ndodhuara në ato qendra votimi mund të ketë cenuar procesin zgjedhor në një masë të tillë, që mund të ketë ndikuar në ndarjen e mandateve në zonën zgjedhore;*

*Jemi përballë degradimit total të procesit zgjedhor i cili nuk arrin dot të garantojë barazinë midis subjekteve, paprekshmërinë e votës së qytetareve, mosdeformimin e vullnetit të zgjedhësve, ligjshmërinë e veprimeve të administratës zgjedhore, mosndërkueshmërinë e konsumimit të veprës penale, për të gjitha këto arsye unë si kandidat i pavarur më datë 26.04.2021 kam tërhequr nga VNV të gjithë vëzhguesit e akredituar të subjektit tim. Dhe kërkoj me anë të kësaj ankese pavlefshmërinë e Tabelave Përmbledhëse të Qarkut Gjakastër të miratuar me Vendim 347 të datës 04.05.2021 nga KQZ.*

**PROVAT QË PARAQITEN DHE /OSE KËRKOHEN, BURIMIN SI DHE NUMRI I TYRE.**

Provat mbi të cilat mbështesim këtë ankim janë:

- 5 formulare deshmije të vëzhguesit të nënshkruara.
- Mbi 20 fotografi te kryera nga materiali filmik, të vëna në dispozicion nga KQZ
- 4 video te kryera nga materiali filmik, të vënë në dispozicion nga KQZ

*KRESIMIRI MERRHANI*  
